





*E leprosis, ut interrogaveras quid esset apud nos maxime Patavinos, pro mediis ætatibus in quas intueor, & pro tabulariis in quibus versor; id in primis acceperis ex æde Majore. Millesimo ducentesimo vigesimo septimo indictione quintadecima, die XI intrante januario. Johannes Dente de Vico Bergano munarius districtus, qui juravit die Sabati IX. intrante januario ferre testimonium in hac causa, dixit. Scio, quod est circa XXV. annos, quod quidam *Malsanus* fecit unum *tbeumum* inter pontem Canalis longi, & clausuram Otolini Coni de Scлата: & paucis diebus ille *tbeumus* ibi stetit: & auidi dici, quod ille Otolinus illum *tbeumum* destruit, & expulit inde illum *Malsanum*. Interrogatus de nomine *Malsani*, & quis fuit? respondit nescire. Et tunc idem Otolinus cum suis laboratoribus fecit unum fossatum a capite pontis Canalis Longi usque ad pontem sue clausure. Interrogatus de tempore & anno & mense die quando dictus *tbeumus* & fossatum facti fuere? respondit non recordari. Nam hoc ad explicandum facit *Guillelmus Autor coævus in Vitam S.**

Bernardi lib. I. cap. VII. commemorans de solitario quodam homine; quem cum ibi visitarem, inquit, inveni eum in suo illo tugurio quale Leprosis in compitis publicis fieri solet.

Additur ex Cronicis Montissereni Tom. IV. Rer. Lusaticarum; quemadmodum Jo. Maderus edidit: anno, ait, MCXXVIII. alius quidam se leprosum fuisse & meritis B. Petri in hoc loco mundatum fuisse assercbat; nolam, cujus signo hujusmodi homines eleemosinam solent petere, quam ipse vidi, ad altare obtulit, & cum fideli protestatione beneficii & gratiarum actione discessit. Hoc enim solemne est apud bistóricos mediæ ævi repellere leprosos a conversatione sanorum. Quod & admonet Gervasius Dorobernensis exitu sæculi duodecimi scriptor in Cronicis suis capite XI. loquens de Leprosis; qui sanis cohabitare non possunt, ait. Quæ plane Patavinis nostris eadem videas memorari de Codice Statutorum qui sæculo tertiodécimo scriptus est; Sic autem refert; Statutum vetus conditum ante millesimum ducentesium trigésimum sextum; videlicet, Malsani seu leprosi non vadant per civitatem Paduæ & suburbia. Lib. III. Rubr. VIII. de Immundiciis. Itaque de Patavino Malsano, quem primum posuimus, ad leprosos Anglos, ad Germanos, ad Gallos defleximus atque, ex eorum, de statu nostri cognovimus: ex iisque mox recurrimus ad leprosos nostros aut malsanos Patavinos. Eosdem quippe leprosos esse malsanis & advertere est ex Autore Viæ Joannis Papæ XXII. de MSS. Bernardi Guidonis ad ultimum Tomi Tertii Rerum Italicarum. Sic habet; Anno Domini MCCCXXI. fuit detecta ac deprensa concepta nequitia Leprosorum contra sanos in regno Franciæ. Machinantes siquidem in salutem populi Male sani, ait, corpore, & insani mente disposuerant, ut aquas fluminum, & fontium, atque puteorum ubique inficerent, appositis venenosis & infectis atque inficientibus confectis pulveribus in eis-

dem;

dem, ut homines sani bibentes ac utentes eisdem aquis vere infectis, efficerentur Leprosi atque morbidì, aut penitus necarentur. *Ut Statutum Patavinum dixerat Leprosos aut Malsanos, ita historicus hic alius appellat Leprosos aut Malsanos. Eodemque modo Jacoponus Tudertinus in Canticis adversus Octavum Bonifacium Pontificem dixerat se vel Infirmum Putulentum, vel & Leprosum Putulentum; quod variant editiones anno MCDXCV. vel anno MDCXVII. Malsani vel Infirmi commune vocabulum pro peculiari leprosis fuit. Hinc & popularis quidam noster, ut infra constabit, anno MCCXXXVIII. Stripem legat Infirmis Malsanis, ait: intelligit autem Leprosos.*

Quos eo modo generatim dictos apparet, quod nulla magis morbi pestis aut morbosorum facies esset horribilis hominibus sanis: ita nulli magis distinguebantur a sanis. Ex quo seclusi aliorum consortio fuerunt; ut Gervasius Dorobernensis, ut Statutum Patavinum designaverant hic apud nos; ut idem Jacoponus admonuit his versibus,

Come infermo putolente
Son gettato via da sani;
E non a Chiesa; nè a mensa
Con lor posso il pan mangiare.

Vel in Canticis aliis.

De sto mondo l'ha privato,
Che gettato fuor ne fia.
Com' se fa de la malsania
Che dagli sani è separato.

Rursus hoc loco Jacoponus abstrahit a sanis hominibus malsanos; eorumque morbum qui lepra est, Malsaniam, vocat. Hoc enim fecerat in Canticis rursus aliis: ubi cum vellet de

Giezi discipulo Elisei dicere quoniam propter avaritiam leprosus factus esset ait :

Per l'avarizia immalfanio il discepol d'Elisio.

Nunc babe plures hos infirmos aut malfanos, vel malefanos, ac, si vis, malenatos in testamento Speronelle matronæ de tabulario majoris ædis; anno millesimo centesimo nonagesimo secundo, indictione X. die secundo intrante Octubre; ait, relinquo Hospitali de Cazofana; relinquo Hospitali de Ruca fluminis; Hospitali de Vicoageris; Hospitali Sancti Pauli Malfanis de Padua solidos C. Malfanis de Este libras III. Malfanis de Montefilicis solidos LX. Malfanis de Bassano solidos C. Malfanis de Vicentia solidos LX. Malfanis de Feltræ solidos LX. Malfanis de Tarvisio solidos LX. &c. Quoniam sumus ex eo tempore Marchiani simul omnes bi populi.

Rursus ex ejusdem Speronelle Matronæ Codicillis anno millesimo centesimo nonagesimo nono, indictione secunda, die X. intrante junio. Sic instituit; relinquo, ait, Hospitali Sancti Spiritus. Et libras L. Ecclesiæ Sanctæ Crucis de Padua; de quibus volo, ut malefanis ibidem morantibus indumenta emanantur. Malefanis de Montefilicis X. libras, de quibus volo, ut eis vestimenta emanantur. Hic de Malefanis initio dixerat Speronella morantibus ad S. Crucem de Padua. Neque aliter anno millesimo ducentesimo trigésimo octavo die nono intrante agusto; Dominus Buffonus de Bertholoto de hora Sancti Mathei de Padua, relinquo, ait, solidos quadraginta Infirmis malefanis de Sancta Cruce; quod supra notaveramus: & habetur instrumentum penes Canonicos Patavinos: ut reliqua hætenus omnia.

Vulgaverat Muratorius in Dissertatione Quinquagesima septima scriptum donationis a Taurinense quidem præsule factum pro pane & vino malfanis, inquit, anno millesimo centesimo octuagesimo sexto, quintodecimo die mensis julii. Tamen hoc loco minime editorem puto vim perspexisse

vocabuli ; cum passim Leprosi vocarent se malsanos. Is enim vir in Sextadecima Dissertatione sua qui de Leprosi dicebat non inaniter ; hic omisit comparare Malsanos cum suis Leprosis ; Leprosos putavit infirmos sui cujuslibet generis : at Malsanos universim quoslibet aegros alios. Inter has Malsanorum vel Leprosorum miseras si liceat aliquid interdicere ; certus Autor Ardizonius in capite quartodecimo de Feudis , ubi nominat omnes eos qui de peculio suo nihil alienare possunt , item Leprosus ex hoc genere est , inquit : est Jacobus Ardizonius inter initia seculi XIII. de quo disserit Maffejus in secundo libro Veronæ illustratæ , cum de suis agit Scriptoribus Veronensibus. Hos ergo homines arumosos ibi pariterque pecunios videbamus . Apud nos in Montefilice non ita videtur esse de grege quodam talium miserorum. Fundatur apud Monsilicanos anno MCLXXXI. indictione IX. Mense Aprili. Hospitale Leprosorum seu Malsanorum . In communi Consilio . Gerardus VVinicelli Consul Montisilicis presentibus aliis consulibus fociis suis , scilicet VVidone Griberge , & Zambono Joannis Blanci , & Bonifacino Sigi ; titulo donationis investivit Enricum archipresbiterum de Montefilicis , & VVinizum recipientes ad honorem & utilitatem Dei & Beati Michaelis Archangeli de pecia .i. de terra ad proprium posita in Savelone prope Molinos communis : Ubi etiam Leprosi morari debent. &c. In qua terra debet ecclesia edificari ad honorem & nomen superscripti Sancti Michaelis & Dei. Et ibi Leprosi debent habitare. Quam terram superscripta Ecclesia debet habere & tenere ad proprium , & suam inde utilitatem facere in perpetuum , retento tamen in communi Montisilicis jure patronatus. Arch. S. Prosdodim . Parem domum Leprosi instituunt alibi Camaldulenses Mitarellus atque Costadonus anno MCLXXXVIII. die tertio Mensis Aprilis ; ut est in eorum videlicet Annalibus. Hoc habent. Nos quidem presbyter Nicolaus Monachus,

X VIII X

& yconimus venerabilis Monasterii Sanctorum Andree & Gregorii in Clivo Scauri, domnus Petrus presbyter, &c. locamus vobis Raymundo presbytero, Zaccheo, & Aloesi, vestrisque successoribus lepre morbo laborantibus.

Imo fundari finitimos apud Vicentinos Hospitale quodam Leprosorum vel anno MCLXXVI. vidi memoratum vulgaribus quibusdam memoriis apud populares eos.

Extra urbes hæc omnia Leprosorum domicilia vult fuisse Muratorius: aut eadem fere semper, ait. Quæ rursus ait de vocabulo S. Lazari non semel indicium tenere. Sane produntur apud nos in viciniis urbis hoc aliisque loco non semel Hospitalia S. Lazari sæculo tertiodecimo toto: Leprosi Malsanique sistentur ibi. Quibus temporibus, anno præsertim millesimo ducentesimo trigesimo primo, mense maio Sanctum Lazarum tamen obtinebamus intra Montemsilicis intra muros Oppidi Montisilicis: ut certum est ibi de tabulario S. Justine. Visebatur ultimis quoque annis ædicula muris veteribus, at ruentibus ex ea parte Salarum versus occidentem qua scanditur ad Ecclesiam S. Justine. Est liber eo titulo Pallas Rhætica armata, & togata, Autore Fortunato Sprecher, anno MDCXVII. Basileæ. Libro octavo civitatem Curiam describens, in primis hæc velut in suburbiiis loca recenset. Ad civitatem spectant, ait, loca ad Malefanos (Massans): ibi enim Leprosorium est; Lauribalneum (Lurlibald); & Erasca. Quam scriptor opportunus ad ornandas interpretationes meas!

De Gataris duobus historicis nostris celebris est locus alius atque alius apud Patavinos eruditos: is alter e Galeatio Parre sic habet: avvenne che il Venerabil vescovo di Cinque Chiese, che per sua infermità, la qual era Leprosa, era stato per questo molti dì in Padova, fu guarito per consiglio & opinione di Mefs. Giacomo d'Arquà di Padova famoso Dottore in medicina: la qual liberazione fu fatta per mangiar vipere, e serpenti, ed altri animali velenosi.

Geminus alius locus ex Andrea Filio sic adonat: il Venerab. e Rever. Vescovo di Cinque Chiese, fino alli 24. di Marzo era stato per infermità nella Città di Padova, per sanarsi di quella ch'era una Lepra: e fu curato e guarito per l'Eccellente Dottore Mess. Giacomo d'Arquà; e per redimerlo, gli fece mangiare Vipere, Serpenti, & altri animali velenosi: e così per la Dio grazia fu liberato. pertinent hæc ad exitum seculi quartidecimi. Magnus Speronius insanabilem putat Lepram, simul Idropem: Initio Apolog.

Nam seculo terriedecimo Thomas Cantipratanus, imposito sibi nomine Boetii de Disciplina Scholarium proposuit aliud remediorum præterea genus: si cui magis placet. Hoc habet. Legitur autem Thymothei filium, lepra incumbente castratum fuisse. Subter hujusmodi quasi textum grandisculis verbis, in codice meo ponitur adnotatio minore characterum tamquam viri alterius interpretis; atque hoc modo est: Item notandum quod lepra est quædam infirmitas ex nimio calore proveniens, unde colerici, ut frequenter, sunt leprosi propter nimium calorem. Et secundum Avicennam, duplex est remedium contra lepram. Primo dum juvenis percipit lepram dividere debet vespertilionem, & membro leproso supponere. Secundo debet removeere testiculos. In illis enim concurrunt omnes venæ corporis: quare in eis est calor intensissimus, qui tepefcit testiculis abjectis. Ponitur editio mei codicis Argentinae Anno Domini MCDXC. in die Sanctæ Brigidæ. Non dissimulabo me vel initio Dissertationis hujus qualiscumque; dum leprosos descriptos volo, tamen abstinnisse quibusdam Leprosis celsioris antiquitatis, & quales memorat Dandulus Octavo seculo; aut si qui prædicantur apud nos in aliquibus Sanctorum Revelationibus. Tenui vero me temporibus præsentioribus, & cum calamitosi homines dabant se vere manifestos cum suis signis & notis & turguribus; erantque nobis ibi facti quasi palpabiles.

Nostri seniores Medici seculo quintodecimo, non ii quidem speculantes in hujus eruditionem nominis, aut alterius, ut nos fecimus, aut in veteras rationes eas antiquitatis, at non omittebant universim de Lepre morbo præceptiones edere. Michael Savonarola tam celebris nominis vir apud Patavinos in id argumentum scripsit. Id autem noscimus ex catalogo Bibliothecæ Ricciardianæ, Manuscriptorum, quem Jo. Lamius confecit. Ibidem pag. CCCXLVIII. Sic apparet: Savonarola Michael de Lepre L. II. Codex Chartaceus in fol.

Consilia Medica L. III. &c. Michael Savonarola Patavinus Domini Marchionis Ferrariæ physicus compilavit. Totam sebedam mihi descripsi Venetiis jam nonnullis annis apud Camaldulensis.

Et habentur apud me quoque de Collectaneis aliis medicis eodem seculo quintodecimo notæ pariter aliæ; qualis est; unguentum, inquit, in pustulis faciei, sicut lepræ. Et alio vel alio loco alia. Denique nec omittitur in fine Chartaceorum curam proponere lepra laborantium.

Cum sonaret inter amicos, Egregium Columbum suis expensis edere Dissertationem meam De Cultu Lini, quam ei dederam; jamque ad eam rem cuncta cum suo Typographo comparavisse: quæ mihi insperata viri præclari liberalitas. Tum ibi rumor inter alios amicorum suscitatus est de facto alio, neque eo simili, neque ejus decoris. Vir elegans & eruditior; & qui me deperibat, ut videri tunc voluit; venit ad me anxius expectens Dissertationem; Dissertationem de Leprosi, ait; quam statim edere volo. Is vere pactus est edere. De Columbo nulum unquam pactum venerat. Dum cunctarer amplius, urgebat, instabat, negabat sine ea quiescere posse. Dedi cam; osculatus est: editionique trado, inquit. Annos duos editio fiet. Quam viri inertiam nauseantes bi nonnulli boni, vere prodiderunt expensis suis.

Nostri seniores Medici seculo quintodecimo, non si quidem speculantes in hujus eruditionem nominis, aut alterius, ut nos fecimus, aut in veteras rationes eas antiquitatis, at non omittebant universim de Lepre morbo, præceptiones, edere. Michael Savonarola tam celebris nominis vir apud Patavinos in id argumentum scripsit. Id autem noscimus ex catalogo Bibliothecæ Ricciardianæ, Manuscriptorum, quem Jo. Lamius consecit. Ibidem pag. CCCXLVIII. Sic apparet: Savonarola Michael de Lepre L. II. Codex Chartaceus in fol.

Consilia Medica L. III. &c. Michael Savonarola Patavinus Domini Marchionis Ferrariæ physicus compilavit. Totam sebedam mihi descripsi Venetiis jam nonnullis annis apud Camaldulensis.

Et habentur apud me quoque de Collectaneis aliis medicis eodem seculo quintodecimo notæ pariter aliæ, qualis est; unguentum, inquit, in pustulis faciei, sicut lepræ. Et alio vel alio loco alia. Denique nec omittitur in fine Chartaceorum curam proponere lepra laborantium.

Cum sonaret inter amicos, Egregium Columbum suis expensis edere Dissertationem meam De Cultu Lini, quam ei dederam; jamque ad eam rem cuncta cum suo Typographo comparavisse: que mihi insperata viri præclari liberalitas: Tum ibi rumor inter alios amicorum suscitatus est de facto alio, neque eo simili, neque ejus decoris. Vir elegans & eruditior; & qui me deperibat, ut videri tunc voluit; venit ad me anxius expectens Dissertationem; Dissertationem de Leprosi, ait; quam statim edere volo. Is vere pactus est edere. De Columbo nulum unquam pactum venerat. Dum cunctarer amplius, urgebat, instabat, negabat sine ea quiescere posse. Dedi eam; osculatus est: editionique trado, inquit. Annos duos editio silet. Quam viri inertiam nauseantes bi nonnulli boni, vere prodiderunt expensis suis.

